

Le dotur Eduard Agreiter é demez dai 23 domisdé cina ai 27 d'aurí y vëgn sostituí dala doturia Grete Mahlnecht 349 06 67 034.

La farmacia Pütia é stlúta dai 25 ai 28 d'aurí 2024.

Le Raiun Sozial Val Badia a Picolin resta stlüt ai 26 d'aurí 2024.

## PLOANIES SAN MARTIN Y LUNGIARÜ

Por chësta quarta Domënia de Pasca, 21 d'aurí, De dles Vocaziuns, á la Diozeja mené fora n liber (+ na ciandëra) cun l'invit da aprofondí le pinsier dla "Vocaziun" tles ploanies y ince tles families, da ponsé sura y sambëgn ince da perié deboriada. Tl liber che vëgn dé inant cun la ciandëra da familia a familia él plates blanches ch'an pó implí cun stories, rimes, cianties, retrac, dessëgn, versc dla Bibia y .... cun se fá pinsiers: Ci pó pa orëi dí incö "vocaziun" ?

Sciöche vigni ann é düc invíá da tó pert ala Prozesciun sö Oies che vëgn tignida propi en chësta domënia dl "Bun Famëi" dales 14 h da San Linert (o da Cianins ) demez cun na picia funziun tl santuar da Oies.

### SAN MARTIN

N gran dilan a dötes les porsones y les uniuns che á daidé para y abelí les festes dl'Edema Santa, de Pasca y dla Pröma Comuniun.

La Cooperativa Turistica San Martin/Al Plan organisëia le De dl Ambiënt tl Comun da San Martin la sabeda, ai 4 de ma. Düc i interessá da daidé romené sö nosc bel paisc da San Martin é invíá da gní por les 14.00 tl ciamp dal sport Pradel. Dedô él na griliada por düc chi che á daidé. I ves aspetun, gnide tröc!

I Stödafüch da San Martin präia dër bel do le sostëgn cun le contribut dl 5/1000 tla detlaraziun dl davagn. Al é da dé dant chësc codesc fiscal 92009210219.

-----

Le Sorvisc ai Jogn mët a jí n curs da imparé da fá sushi en vëndres, ai 31 de ma, dales 16.00 ales 19.00, tl Zënter Jonëza y Cultura Saj.un a La Ila cun le cogo Simone Cantafio. Se scrí ite pó düc da 16 agn insö 371 56 88 564 o por e-mail a [samuel@jogn.org](mailto:samuel@jogn.org). Le prisc d'iscriziun é de 15 € porom. Chësc curs fej pert dl "HEY!", le proiet nü metü a jí dal Sorvisc ai Jogn Val Badia che píta de vigni sort de cursc y ativités por jogn y manco jogn da 16 agn insö!

SEA Sorvisc Energia Ambiënt inviëia ala reuniun generala en sabeda, ai 27 d'aurí 2024, dales 15.00, tl salf dl Istitut Ladin Micura de Rü a San Martin. Do la reuniun generala vëgnel inaudé la sënta nöia tla zona artejanala Picolin.

Al vëgn chirí por atira y por zirca 4 mëisc n pice apartamënt por na porsona atempada autosufiziënta dl post. Poscibilmënter nia massa dejman o tl zënter da San Martin o Picolin y zënza stighes. Telefonede al 349 64 73 206.



# Plata dles Ploanies San Martin y Lungiarü



ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

## 21.04. - 28.04.24 n. 21

[unitepastorala.org](http://unitepastorala.org)

ultimo termo por comunicaziuns: jöbia, dales 20.00

## 4ª DOMËNIA DE PASCA - B

### Vangele do san Jan 10,11-18

Iö sun le bun famëi. Le bun famëi dà ca süa vita por les bisces. Le fant tut sö a paiamënt indere, che ne n' é nia famëi y de chël che les bisces ne n' é nia, lascia les bisces sores y s' un sciampa canch' al vëiga gnon le lu; le lu les scherza y les sprìgora indalater. Al s' un sciampa, cíodì ch' al é mâ n fant a paiamënt y cíodiche les bisces ne ti un vel nia. Iö sun le bun famëi; iö conësci i mi, y i mi conësc mè, sciöche le Pere conësc mè y iö conësci le Pere; y iö dà ca mia vita por les bisces. I à cíamò d' atres bisces, che n' é nia fora de chësta stala; incé chères mëssi condüje y ares ascutarà mia usc; spo saral mâ un n pastorëc y un n famëi. Porchël m' öl bun le Pere, deache iö dà ca mia vita, por la tó indô derevers. Degügn ne me la tol, mo i la dà ca de mia bona. I à la potesté de la dè ca, y i à la potesté de la tó indô. Chësta misciun ài ciafè da mi Pere.



*"Spo sarál ma plü un n pastorëc y un n famëi."  
Nüsc vijins nes é sambëgn plü daimpró co jënt foresta.  
Chësc n' ó nia dí ch' i sun cuntra i foresc, mo al fej pert de nosta natöra da ciarè naota de nosta jënt y da ti jí adincuntra ai foresc cun precauziun.  
Mo la jënt n' é nia stlava de sü sentimënc natural.  
Te süa spiritualité éra ince buna da superé süa natöra.  
Chësc la desfarenziëia dai tiers.  
Nosc monn crësc adöm y i capiun che sciöche umanité aldiunse adöm.  
Tla figöra dl bun famëi él Gejú che vëiga chësc svilup bele danfora.  
Süa noela é chëra che ldí ne ti ó nia ma bun a na pert mo a döta la jënt.  
Al sará ma plü un n pastorëc, öna na umanité,  
che se dará da fá deboriada por le bëgn de düc chi che vir söla tera.  
Ci bela speranza, por chësta á Gejú vit y por chësta él mort.*

Image

EDEMA - B	SAN MARTIN	LUNGIARÜ	<p align="center"><b>De mondial de oraziun por vocaziuns Messaje dl Papa "La speranza ne pó nia morí"</b></p> <p>Chësc De nes inviëia vigni ann da ponsé danü ala scincunda preziosa dla cherdada, che le Signur nes sporj a nos düc ch'i sun sön tru, por ch'i cherdunse a so dessëgn d'amur ch'al á por nos.</p> <p>Ascuté y ti jí do ala cherdada de Dì n'é nia n compit che nes vëgn sforzé sö, mo al é plü co ater le tru plü sigü da pascenté nosc dejider do la contentëza.</p> <p>Nosta vita se realisëia y se completëia, sc'i odun ite, che ch'i sun, cares che é nostes facultés y nostes forzes y olach'i podun les mëte a porté früt.</p> <p>Chësc De é vigni iade na bela gaujiun da se recordé cun reconescënza dl impëgn fedel y ascognü di tröc che respogn ala cherdada cun döta süa vita.</p> <p>Le Papa recorda ince i peri y les umes che concentrëia süa vita cun amur y altruism sön de bugn raporc y se deura ala scincunda dla vita y se mët a sorvisc di mituns.</p> <p>Al pënza a chi che fej so laur cun dediziun tl spirit dla colauraziun por la costruziun de n monn iüst y de n'economia solidara.</p> <p>Y al pënza ince ales porsones dla vita consacrada che ti dedichëia süa vita a Idí tl chît dla oraziun y tl apostolat.</p> <p>Al inviëia düc da se lascé afasciné da Gejú y da ti dé lerch al Spirit Sant "i ciararëis osta contentëza da ti jí do, y, sc'al ves prëia, spo ede le coraje da ves dediché ince deplëgn a d'ël." <i>dal Sonntagsblatt</i></p>
<p><b>21.04.24</b> <b>4ª DOMËNIA DE PASCA-B</b> <b>Domënia dles vocaziuns</b> <i>Prozesciun da San Linert sö Oies dales 14.00</i></p>	<p><b>9.30 Corona</b> (don Ýuriy) <b>10.00 Gran Mëssa por la Comunité</b> ++ de Gran Ju + Sepl Flöss, d'Arzó ++ de Gröpa + Loise Ploner Unterweger</p>	<p><b>7.50 Corona</b> <b>8.15 Gran Mëssa por la Comunité</b> + Veneranda Clara, Tuscer dl ann + Zilia Mischi + + Zingerle y Riffeser</p>	
<p>22.04.24 <b>Lönesc</b> <i>Caius, Egide</i></p>			
<p>23.04.24 <b>Dedolönesc</b> <i>Iorz, Adalbert</i></p>	<p><b>8.00 Mëssa</b> defunc de Sorega + + Loise Videsott, dl ann</p>		
<p>24.04.24 <b>Dedemesaledema</b> <i>Fidelis, Ivo, Teo</i></p>		<p><b>7.30 Mëssa</b> + Regina Daporta def. da Valacia y def. dl Cere</p>	
<p>25.04.24 <b>Jöbia</b> <i>Merch evangelist, Hermann</i></p>			
<p>26.04.24 <b>Vëndres</b> <i>Maria dl Bun Consëi, Cleto</i></p>	<p><b>18.30 Adoraziun chîta</b> <b>19.00 Adoraziun deboriada</b></p>		
<p>27.04.24 <b>Sabeda</b> <i>Pire Canisius, Zita</i></p>	<p><b>18.30 Mëssa prefestia</b> por families de Antonia Willeit + Pire Erlacher, dl ann ++ fredesc y sorus de Paul Vantsch + Franz Planatscher + Giovanni Unterweger + Erwin Rungger, dl ann</p>		
<p><b>28.04.24</b> <b>5ª DOMËNIA DE PASCA-B</b></p>	<p><b>9.30 Corona</b> <b>10.00 Gran Mëssa por la Comunité</b> por les püres Animes +++ Frida, Pire, fr. Martin y fr. Felix Ploner ++ sr. Maria Dolores y siur Vito Rubatscher +++ Sepl, Sabina y Milio Flöss</p>	<p><b>7.50 Corona</b> <b>8.15 Gran Mëssa por la Comunité en onú de S. Florian cun y por i Stödafüch Benedisciun di auti y dles mascins</b> por fam. Franz Schanung aniv. + Davide Daporta dl ann + Rita Zingerle y + Herta Clara</p>	